



## 平安戲

逐年到舊曆八月，厝下脣个莊頭就漸漸起勢做平安戲，六家、東海窟八月十六最早做，過來就係竹東、芎林雙十節做，再過來就係新埔。做平安戲係莊頭信士共下承蒙眾神歸年來對地方个庇蔭，同時，也祈求眾神來年做得繼續保佑風調雨順、國泰民安。

做平安戲最無閒个就係值年爐主，爐主早早就愛先經好做戲个日仔、注文戲班，會到平安戲个時節，還愛拜託各鄰个鄰長搵手到各家各戶收戲金。做戲前，爐主愛先摺莊頭个所有伯公等到大伯公下來共下坐，分大家敬謝，還愛辦理大閩雞比賽个秤重，決選出今年度个名等。到做平安戲該日，有打前十等个大閩雞愛排在伯公前分大家經，爐主會各各賞獎狀摺獎品。

做平安戲該晨早，大家會核等三牲、紅粿、生果摺金銀財寶去大伯公下拜，誠心誠意上香謝神。到成十點，神請好了，戲棚頂个鑼鼓會接等大響，戲班會先做一齣「打八仙」，有時會加迎財神，為今年个平安戲鬧熱開場。同時，值年爐主會在伯公前「跌新爐主」。厝戴个莊頭有兩個村，逐年一個村輪值一個鄰，就係愛跌出兩個新爐主，村長會企在爐主脣，照等明年輪值鄰个戲金名單，唸名仔，爐主就跪在伯公面前跌聖筊，「一筊、兩筊、三筊……」，一片唸、一片跌聖筊，摺歸鄰个人評一輪後，連續跌出最多擺聖筊个人，就係明年个新爐主。

十過年以前，逐年做平安戲个暗晡頭，阿姆就會準備兩張桌，請親戚朋友來食夜。大家有講有笑，屋下鬧熱煎煎，一直愛到摺所有人客送走、撿掣好，正有閒去伯公下經戲、買仙植仔食。恁多年來，平安戲暗晡請人个人緊來緊少，厝下乜共樣，有盡多年無請人客了，阿姆講：「做平安戲無豐沛好食，敢會像！厝自家請自家總做得！」這下，到平安戲臨暗仔，佢就會煮一大鑊个惜圓，喊大家轉來食，佢經著歸屋下人平平安安共下食惜圓，就會笑等講：「這正係正經个平安戲！」

作者：林伯殷

### ☆詞彙學習☆

【莊頭】zong<sup>ˇ</sup> teu：鄉村聚落。

【生果】sang<sup>ˇ</sup> go<sup>`</sup>：水果。

【庇蔭】bi<sup>`</sup> rhim<sup>´</sup>：保護。

【打八仙】da<sup>`</sup> bad<sup>`</sup> sien<sup>ˇ</sup>：討吉利的暖場表演。

【值年爐主】chid ngien lu zhu<sup>`</sup>：當年輪值的爐主。

【撿掣】giam<sup>`</sup> ciu<sup>ˇ</sup>：收拾。

【核等】kai<sup>ˇ</sup> den<sup>`</sup>：挑著。

【惜圓】siag vien：湯圓。

### ☆文法學習☆

【一直愛到……，正有……】一直要到……，才有……。：「一直愛到」後接條件句，「正有」後接因條件句而產生之事或結果。

例 1：一直愛到摺所有作業寫忒，正有閒去外背爽。（一直要到把所有作業寫完，才有空閒到外面玩。）

例 2：一直愛到領月給該日，正有錢好使。（一直要到領薪水那天，才有錢可以花用。）